

# Mokanda nwa ibale nwaakomaka Petelo Maphoo ma etatele

Mokanda nwa ibale nwa Petelo nwaakomelaka yo baklisto baa Ingomba sa kalakala (1.1). Lowoo lee lokusi pho ya ikoma mokanda mumu labaka na boikye pho ya iimola baanosu obokye bée saanola maphoo ma bateye ba boole na maphoo ma sokoto maute na mateya ma bée.

Mokanda mumu moteya mobesi moolongoba na moanosu. Mobesi me eli iphila maloba ma Nwaphongo na mateya ma bato bawenekye Yesu na miyo ma bée mampenza na baaokaka mateya me. Bateye ba boole baunva nyolo onte ya baanosu. Mateya ma bée mabungya bato (2.1-22). Basemole bato baaziya iyaa sa Nkolo baambe na woo obokye etaaye. Nzuka bo Nkolo kangombinya iyaa, eli pho bato baso babongole ntema.

Nono lolo eye, bateye ba boole bali nde omo, yango mena mokanda nwa ibale mumu molenza baanosu obokye baikale nde iyeba Nkolo na bolaa pho ya obokye mateya ma boole mamana mango sababungya.

## **Maphoo mali o mokanda mumu**

- 2 Petelo 1.1-2: Maphoo ma etatele
- 2 Petelo 1.3-21: Nwaphongo abanga amba na olo baanosu

- 2 Petelo 2.1-22: Bateye ba boole
- 2 Petelo 3.1-18: Mbunu ya iyaa sa Nkolo

### *Ibeya*

<sup>1</sup> Nga Simo Petelo, moombo na toma wa Yesu Klisto, naekomele, bée bazwa na banga iyalo sa ianola saamotuya ndengye yonoyɔ, na nzela ya bosembo pha Nwaphongo wa banga, na Mobikye Yesu Klisto.

<sup>2</sup> Le obokye ngolu na bose inukane oka bée na nzela ya iyeba Nwaphongo na Yesu, Nkolo wa banga.

### *Mbela na Iyɔɔ sa Nwaphongo*

<sup>3</sup> Pho, mwiya nwe Nwaphongo ηwalophe maphɔ masɔ masengyesi na banga phɔ ya ibika phaakolo bomɔɔ pha imiambya oka Nwaphongo, na nzela ya phaakolo boebakye pha banga, phɔ yo owalobanga phɔ ya kyemɔ ye mampenza na ná nzela ya mobesi molaa nwe mampenza.

<sup>4</sup> Na nzela me, alophe mbolo ilekyi na motiya moikye na iinene bowaloikyelaka bée mbunu, phɔ ya obokye na nzela ya yango bée obutwe na bookaa na Nwaphongo, bée baali satazwama o boɔɔnɔkye boute na phowa ya mokyisi.

<sup>5</sup> Emba nde phɔ ya bomɔ me, kyela na bokusi bosɔ oangyinya o ianola sa bée mobesi molaa, o mobesi molaa oangyinya zebi,

<sup>6</sup> o zebi oangyinya imizila, o imizila oangyinya ilendendala, o ilendendala oangyinya imiambya oka Nwaphongo,

<sup>7</sup> o imiambya oka Nwaphongo oangyinya izinga b̄ebi b̄aanosi, o izinga b̄ebi b̄aanosi oangyinya lozingo.

<sup>8</sup> Ph̄o b̄o maph̄oɔ mas̄o malaa maamana mali onte ya b̄e, b̄o maambe na nukana, etemaele sa etoma naa sa b̄ota mbuma ph̄o ya phaakolo boebakye pha Nkolo wa b̄anga Yesu Klisto.

<sup>9</sup> Kasi oka moto otooli na maph̄oɔ mas̄o maamana, aph̄olo miyo, ali na lolanda, kabungye obokye aunva kunywama na masumu me maakasi.

<sup>10</sup> Yango mena, baande, kyela na bokusi ph̄o ya ikuya mbela eya ebanga b̄e na iyolo sa eyolo b̄e. Bo b̄e okyesi bom̄o, otookaa na mbala.

<sup>11</sup> Na bom̄o, wamopheme makokyi mas̄o ma inyolo o Bokonzi pha bobele pha Nkolo wa b̄anga, na Mobikye Yesu Klisto.

<sup>12</sup> Yango mena, namoekundolelaka nkolo iso maph̄oɔ mamana, na b̄o komaebe, na b̄o obokye okuti onte ya phele eya lol eye.

<sup>13</sup> Kasi naanole na bosembo obokye, boota ba nga naino na bom̄o o munse mumu, namoeyumolaka na ieyebusaka,

<sup>14</sup> ph̄o naebe na bolaa obokye imbele sanga sa imana o munse mumu sili phenephe; b̄o wanveninya Nkolo wa b̄anga Yesu Klisto yo mampenza.

<sup>15</sup> Kasi namokyela na bokusi obokye o sima ya iwaa sa nga, b̄e oikale imbele siso ikyelela maph̄oɔ maamana.

*Baawene nkyemo ya Klisto*

16 Phɔ, teli na ifenga bikoo biabongya bée na bolaa obokye toeteya mwiya na iyaa sa Nkolo wa banga Yesu Klisto, kasi eli phɔ banga tobaka manzoka maawene na miyo ma banga mampenza bonene phe.

17 Phɔ azwa ngambo na nkyemɔ uta na Tata Nwaphongo, waaokana ηwesi uta o bonene pha nkyemɔ ya Nwaphongo, obokye: «Oyo ali Nwana wa nga owa somi, nali na nkyisa boikye phɔ ye.»

18 Emba ηwesi me banga mampenza tomooka moute o ikolo imbeye sabaka banga ne o ikolo sa ngomba eesantu.

19 Emba toanole na bokusi maphɔɔ maawɔ baimosi, mi mango, oli na elongyi ya imakyelela miyo ndokolo bokokyekyele bée tala ekyelole o elele ya enzombi, nɔnɔ waamoyee bunya na obokye maanguma atokolo o mandondo ma bée.

20 O boo pha maphɔɔ masɔ, oeba na bolaa obokye: Moto takokyi ilimbola simo nɔnɔ yɔnɔyɔ eyakoma baimosi na ndengye ye mampenza.

21 Phɔ, simo nɔnɔ yɔnɔyɔ ya baimosi teyautaka na phowa ya bomoto, kasi yautaka nde na nzela ya Bolɔbɔ Bosantu obokye bato bambe wɔɔ maphɔɔ mautaka na Nwaphongo.

## 2

### *Baimosi ba boole*

1 Kasi bo wabaka Baimosi ba boole o nte ya bato ba Isalayele, nde bomɔ me, bateye ba mibeko baa boole bamobaa onte ya bée. Bamoyaa na malondo na mateya maabe na

maacoṭo, bamokoma nṅoṅo o iangana Moteye owa baikola. Bamibangyela boṭoṅkye pha mbalakaka.\*

<sup>2</sup> Emba, bato baikye baabaḅenga o bondumba pha ḅε: Pho ya ḅε, nzela eya pheḅe yamobutwa ya iwamba.

<sup>3</sup> Emba na nganga ya ḅε, bamoekosa na maloba pho ya iekpela mbolo ya ḅεε. Pho ya ḅε, tata kalakala, bolombe pha ḅεε bokokyi, na boṭoṅkye pha ḅεε eteboolale.

<sup>4</sup> Pho ya bomo, Nwaphongo taika na oka banze bakyelaka ḅobe ngṅoṅo, kasi abavakaka o lifelo o enzombi ekusi, abasundola amba na baḅomba omṅo pho ya iziya moambo.

<sup>5</sup> Taika oka na mokyisi ḅwa phanza ngṅoṅo, kasi imbeḅe satomaka yo mpela enene eya zinzaka mokyisi ḅwa bato baabe, abikyaka nde Nowa, moto owa ḅwambi na bato baayoko sambo, iyo owabaka kateya maphoṅo ma bosembo.

<sup>6</sup> Amba na phe nkyisi ya Sodomo na Gomola etumbu, aizikya yabutwa nde mbutu pho ebe ndakyisa pho ya bato baabe baamoya sima.

<sup>7</sup> Emba, amba kandola Lota moto wa bosembo, owabaka kawene nkaka na mobesi ḅwa bondumba ḅokusi phabaka bato baḅana bakyele.

<sup>8</sup> Pho moto wa bosembo mona, abaka kabe onte ya ḅε, kabawene, kabaokye: Mokolo na mokolo molimo nwe ḅwa bosembo ḅwabaka munyokomo, pho ya bitoma ḅa ḅεε ḅa soṅo.

---

\* **2:1 2.1** Bato ndokolo mafota: Bato batebaebe phaphongo.

<sup>9</sup> Nkolo kaebe imanya bato baa molongɔ onte ya bimekyi, emba kambe na bomba bato baabe phɔ ya ibaphɛ etumbu o mokɔlɔ ɲwa mosambisa yo mokyisi.

<sup>10</sup> Amophɛ etumbu na boikye oka bato baabengye phowa ya bonzoto, basemole bokonzi pha Nwaphongo. Bamilemele, bato ba lolendo, tebaaile iwamba nkyemɔ.

<sup>11</sup> Nzuka banze baabalekye na bokusi na ná mwiya, tebaawɔle nkyemɔ me na bobɛ naa iyiphunda oka Nkolo.

<sup>12</sup> Kasi bato baba bali ndokolo bato baabanza nga mayɛle na baaphɔlɔ, bali ndokolo manyama makyelama obokye bamabome na mazenngye, batole eteebe bɛ, na bɛɛ bamowa ndokolo bokowe manyama.

<sup>13</sup> Yango mena, bamozwa iphuti sa bobɛ bokyele bɛ. Bawɛnɛ bolaa ikokyaka phowa ya bɛɛ eebe nzanga nzanga. Bali soɔ na sokoto waangane bɛɛ na bɛɛ phɔ ya iza, bambe kumba na bɔɔle boekatele bɛ.

<sup>14</sup> Miyo ma bɛɛ matonda na phowa ya ikyela baphemba, tebaotwe ikyela masumu. Bakosa bato bate bali na ianola sikusi. Bali bato ba mandondo maa mɛɛle na looto. Bali bana ba lakyema na bobɛ.

<sup>15</sup> Balɛ nzela eya yoɔ, babungyi obengyi bɛɛ nzela ya Balama ɲwana wa Bosɔlɔ. Iyo owa zingaka baphalanga baa mophekye bɛɛ phɔ ya ikyela bobɛ.

<sup>16</sup> Kasi amba zwa mooya phɔ ya bobɛ phe. Yango mena mpunda otoowɔ, yawakɔ na ɲwesi ɲwa moto emba ya katelaka bobubusi pha

moimosi.

<sup>17</sup> Bato baḅa bali ndokolo bitima bitebili na maa, ndokolo lonzumbe loukame na ewεεε, elele ya enzombi eya phii baeε pho ya βε.

<sup>18</sup> Bazwe bato na iwoko maphoo maa lolendo na maa bobubusi, bakyelele maphowa ma βεε maa nzoto pho ya ibisa bato haute itokolo o isanga sa bato baabikye na mobesi mobe.

<sup>19</sup> Babalakeye bosomi, nzuka βεε mampenza bali baombo ba maphoo ma bootonokye, pho moto munso ali moombo nwa ekpele ekyemokonza.

<sup>20</sup> Pho, bo βεε bamana o bootonokye pha mokyisi na boebakye Nkolo wa banga na Mobikye Yesu Klisto, bo bambi kula milε ikonzama na maphoo maabe, basukyi na boβe koleka na phaabaka na βεε phanza.

<sup>21</sup> Pho ebakyi bolaa pho ya βεε saeba nzela ya bosembo, na obokye baeyebi, bambi kula kubolela mobeko mosatu nwa Nwphongo nwaabaphekye βεε lokukyi.

<sup>22</sup> Maphoo maabayesi, eli nde mawo βεε na bite obokye: «Nva akuli butolela biloo βε», naa obokye: «Ngulu na bo euti iyoko unwanwa eye, kye kule kye miemba mungyinda.»

### 3

#### *Mbunu ya iya sa Nkolo*

<sup>1</sup> Unwanwa eye, baande na nga, baa lozingo, eye eli mokanda nwa ibale moekomele nga. Onte ya nkanda me iso ibale, pho ya ieyebusa, naumole maakolo maumunya ma βεε.

<sup>2</sup> Umunya maphoo mawoko baimosi basantu phanza na mibeko ma Yesu Nkolo na Mobikye wa banga maa ephesye batoma ba b̄e.

<sup>3</sup> Phanza oefe obokye, mi nkolo ya suka, baekyi baaminyosa nde na maphowa maabe ma b̄e mampenza ma boekyi bamotokolo.

<sup>4</sup> Emba bamowoo bekye: «Ena mbunu ya iya se yango ewa? Pho banda waawa bankoko ba banga, maphoo maso makye nde bomo bo wabaka mango banda o etatele ya mokyisi!»

<sup>5</sup> Pho babungye obokye ikolo sabaka uta kalakala, na munse ηwatokoloko onte ya maa, emba na nzela ya maa ηwaphongo akyelaka munse na iloba se.

<sup>6</sup> Nde na nzela ya maa me, mokyisi mookasi ηwawaka na mpela ya maa.

<sup>7</sup> Kasi ikolo na munse ya lolu eye, yabombama nde na sina iloba me. Saikyela imbale pho ya iiboma na ηwenya o mokolo ηwa moambo na ηwa mootono bato baabe.

<sup>8</sup> Kasi lowoo lonolo lolu, baande ba lozingo, b̄e salobunga: Oka Nkolo, mokolo monomo moli ndokolo mambula nkoto, emba mambula nkoto mali ndokolo mokolo monomo.

<sup>9</sup> Nkolo tali na ndombo o ikokya mbunu ye boko umunya baayoko obokye wali ndombo. Kasi kakangye nde motema pho ya b̄e, ootoz-ingye yo obokye moto nono monomo awe, kasi obokye bato baso babongole ntema.

<sup>10</sup> Kasi mokolo ηwa Nkolo ηwa moba ndokolo mwibi. O mokolo me, ikolo samolemo na toko yonoyo ekusi, emba bikpele biamozika na



ηwenya, biamootono, munse na bitoma βέε biso ete ikule weneε.

11 Pho bikpele με bibi biso biamotono na ndengye mena, βέε osengyesi ifaa bato baa ndengye'ye na nzela ya mobesi mosantu, na ya imiambya oka Nwaphongo.

12 Βέε koziya, kombe na welinya obokye mokolo ηwa Nwaphongo moye izele. Yamobaa mokolo mowaa, ikolo samozika na ηwenya, emba bikpele biso biamozika, biamunyangwa.

13 Kasi ikolo siinyakune na munse muunyakune, ili yango ikyiziya banga bowaloikyelaka yo mbunu, omο elele eyamozala bosembo.

14 Yango mena, baande ba lozingo, na boziyakye maphoo mamana, kyela bokusi obokye obee obo pheε na bose, sa intono, na sa mooya.

15 Emba owene ikanga motema sa Nkolo ya banga eli obokye βέε obikye, ndokolo na bowaekomelaka nwebi na banga owa lozingo Polo, na zebi saamophekye Nwaphongo.

16 Ekuli ba nde bookowo yo o nkanda ye iso pho ya maphoo mama. Wali omο maphoo maayoko mali makusi pho ya imasocolo. Maphoo mawaa bato bate baεbe na batebaika ekola bamalimbole na boεe, nde bokyele βέε na Nkanda insuu pho ya imioto sa βέε mampenza.

17 Yango mena, βέε baande ba lozingo, bokoebe βέε phanza, ba na bokyebi, samile obokye na ibunga sa bato baabe baebungya, ombe kaa omane o motesi mookusi ηwa βέε.

18 Kasi kola onte ya ngolu na ya iyεba Nkolo wa banga na Mobikye, Yesu Klisto. Le obokye

nkyemɔ ibe ne unwanɔwa eye na phɔ ya biphaa  
na biphaa. Amɛ!

## **Lobala NT**

### **Lobala: Sangola Eenyakune New Testament**

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

---

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563